

呂氏宗譜

呂氏宗譜

呂氏家譜引

嘗聞家之有譜。猶國之有史也。三代由漢而唐。凡世臣巨室之家。莫不有譜。至宋興。士大夫時。亦皆遵此而行。以爲後人取法之宗。彬彬乎儀節昭明。各動感觸之思。猶若三代之盛典也。是豈徒爲觀美計哉。所以反本尋源。萃渙合散。明人倫。敦教化。使萬世下愈遠而愈不忘耳。吾族宋時開始之祖。大德公也。肇基福建汀州府大平里灌洋村。育男有四。傳流孫支蕃衍。冠裳文物。方興未艾。非前人積德之深。曷克臻此。情乎世遠年湮。修譜無人。甚至春秋。

之祀亦不舉焉。我祖宗得業垂統之艱。子孫一脈相傳之緒。幾乎不可考矣。麟家君於此有隱憂焉。於是命予髫髻時。予曰譜之爲義大矣哉。非年高德厚者不足與此。何人敢膺是任。縱祖宗之責在我。亦當俟志。迨至明朝嘉靖辛酉歲。督學金公來彰。取予入庠。予負笈遠遊。見諸名家。莫不有譜。及至霞城。有宗人居之。名旻。其父性極涵養。聞予至。直以家譜爲問。麟無以荅。當時既有志於斯矣。然未敢輕舉也。因明隆慶元年丁卯歲。麟蒙賓盛典。赴圍未捷。歸見源流愈遠。歲祀不舉。乃興嘆曰。此皆譜牒不明之過也。今若

爲之詞。則祖宗世系名號。愈遠而愈失其真矣。末流之弊。恐不止若是。姑忘固陋。詢訪故遺。得古今世次之詳。祠宇墳塋之跡。及述先人垂戒之詞。編紀成帙。敢求後之君子。各出一言。以成其美。庶使覽斯譜者。興木本水源之思。有宗廟墳塋之戀。而春秋之祀。漸以舉焉。由今而千斯年。萬斯年。瓜瓞綿綿。渾渾乎親義信別之風。濟濟乎冠裳文物之象。是豈區區細故也哉。若夫立身行道。顯祖揚親。潤色乎是譜者。行將有待。願祖宗蔭佑而默相之。諸君子幸勿以予爲迂。各出珍詞。以贈之可也。

九世孫貢元應麟謹書

呂氏家乘世系序

吾宗系出炎帝。本姓姜氏。掌祭四岳有功。封於呂。及周復以呂顯。迄漢朝唐宋厥大盛焉。而光耀於我朝。其間樹德巍峨。耀映史策。有唐宰相世系表。宋相名臣列傳。及中原文獻諸傳。皆載呂氏德業勳望甚詳。至於理義忠義著者。尤不可勝數。今居浙之鹽官者。皆安陽主簿公之條流也。主簿公者。爲國忠臣。天開其胤。文章勛代。繁散天下。代爲繼美。與吾洛陽新安寧陵金華長蘄吳口新昌。

餘姚。

其子聖符公。輯家乘。世系既成。問序於予。予乃喟然曰。聖符其知譜哉。夫譜妨於春秋。成於漢。小宗之法。而詳於隋唐。選舉稽於是。婚姻繇於是。是以譜有局。卽今四方各以其家收來上官。爲考定焉。厥以是制發姓氏散佚。統系離悖。而家之道不成矣。甚矣聖符之知譜也。似春秋也。夫春秋之義。唯據述前。唯實信後。唯深謀始。唯簡導從。唯布忠言。五者失一。不足以訓人。矧訓族乎。何也。譜者所以合散者。所以萃離族之於吾。無不萃。無不合也。世異則湮。湮

則離。離則散。非此曷道之從言。諄而不實。述詳而無據。是貽謀之失。而言族之罪也。斯不忠不簡不慎之過也。今聖符之爲譜。溯人可知。書事必覈。且夫疑之必闕。而引以可行。尊親是議。而引以相承。此非仲尼之徒。而能得春秋之旨。能若是乎。夫然後子孫世守其無悖也。無悖則不湮矣。不湮則不離不散矣。不離不散。則宗法明。族類洽。而家道成矣。甚矣聖符之譜似春秋也。雖然非獨此也。其意若曰。爲之後者。無終使封岳鈞渭。遂爲千古絕響。而使文穆正惠。文靖正獻。忠亮諸君子。專美以前云爾。詩曰。無念爾祖。聿修

厥德則此譜似春秋者。又是詩之謂也夫。

賜進士及第奉勅總督糧儲南京戶部右侍郎兼都察院右僉都御史新安惟祺公介儒甫撰大公元五代孫兆祥重修弟化

舜公編修男

逢時公
本南公

全訂

聖裔孫孔

胤祺
間詩

參考

世德相承

古者天子有系。載諸國史。諸侯公卿。載於家傳。雖尊卑不同。其叙所出則一也。故言堯舜之祖者。必曰軒轅。言湯武之祖者。必曰稷。

契。苟非有系焉。能溯而推之。吾於呂氏系炎帝姜姓。四岳伯夷益之後。虞夏之際。伯夷益佐禹平水有功。封於呂國。今之南陽宛城縣。西亭是也。商末失國。子孫棄氏焉。自大公呂望。誓玁狁。平商牧。開國於齊。桓公責包茅。匡天下。霸諸侯。至文信不韋公。爲秦國相。漢有呂公封臨泗侯。而侯王於高惠高后之世也。厥後尙書令霸公。歷十一傳。有萬年亭侯。虔公生二子。長曰翻。次曰鵠。又八世至唐浙江東道節度使御史大夫。延之公。生子渭公。官至御史中丞。渭公生四子。長曰溫公。戶部郎中。世居河東。次曰恭公。殿中御史。

世居幽州。三曰儉公。大僕寺進馬仕至御史。世居汲郡。四曰讓公。生子岳公。爲純陽真人。其世居系姓。名字官爵。稽諸史傳。與呂氏相傳五譜。無不合一。所謂垂諸百世而無疑者也。然有虞夏商周歷秦漢唐宋。迄國朝歷七十五世。與周公後裔東野氏世傳。適相符合焉。如配享孔子朝廷。從祀郡邑學宮。及勲業在社稷者。代不乏人。未可勝舉。信矣。其爲公卿閥閱。世德悠長。相傳而不朽矣。

賜進士及第奉勅淮浙益運使呂聖符撰

奕禩芳徽

丙午家君司鐸永豐。予徃修定省之職。因得以興邑諸君子相與。道性而莫逆。時值呂日修譜。請序於余。余不禁欣然。搦管而序之。蓋呂之先。系出太公。由來久矣。至漢唐宋族大人繁。散於天下。緣國公蒙正公文靖公夷簡公賢哲輩出。仕多顯官。蓋極盛焉。後傑公遷金陵。至曠輿公簡命福建。人文蔚起。簪纓不絕。及國朝裔孫分居吳楚越蜀粵等處。所居不一。千郎公嘗思修譜而未及。既卒。至孫日東公繼其志而重修之。乃告族人曰。譜者所以載源流。明宗派。以傳後人也。古者家譜國史。本本水源耳。自一郎公以來。子

孫數枝。世傳數矣。雖有托身商賈。至仕遠遊者。獨得彼此相傳。而不失其序。使於此而不修其譜。迨至世遠年湮。老成既往。恐後世子孫。各居異地。不計我祖宗所來何自也。余聞彼言。固深信其爲人。簡而厚。樸而俚。尊尊親親。以繼惇睦之風。其素所蓄積者然也。且更喜太公。聖人也。緣國公。文靖公。正獻公。皆賢相也。其流風餘韻。宜其在後人也。今得日東修之。不誠大有慶哉。

賜進士及第奉旨擢用雷鳴揚撰

長發其祥

孔子云。仕不媚君。祭不媚鬼。然則有所當媚乎。媚其所當媚。不媚其所不當媚也。父子兄弟宗族之懿。天屬也。以恩而全其天倫。非所當媚者乎。是故聖人之教。在父子則相隱。在兄弟則相怡。在鄉黨則恂恂。似不能言者。媚之至也。今夫人不一族。千萬人其初兄弟也。兄弟其初一人也。自一人而視千萬人。因以千萬人之心爲心。自千萬人視一人。能以一人之心爲心。此譜之所以作也。今日東回籍。於祖祠通其族。以媚以族於長老。曰。自先人之有斯土也。以儒世其家者。數百年於此矣。汝亦知吾譜之所以作乎。凡爲

吾族者。子以孝媚其父。弟以敬媚其兄。少者以順媚其長。貧而無歸也。富者助之。愚而無能也。才者教之。貴且富。不以加其父兄。宗族相生。慶而死相吊也。千萬人爲一心。媚於一人。如斯而已矣。自太公望封於齊。傳國三十君。康公遜齊於田。有弟呂祈。旣於民間。四世孫不韋爲秦國相。其弟不伐公。世居河東。二十世爲安行公。遷河南。十六世希傑公。遷金陵。十一世曠興公。簡命福建。平海有功。勅封神將。號大德。妣蔡氏。御葬灌洋村。其子懷禮公。遷龍巖。楓樹背。五世孫念一郎公。遷居北溪。建祠創業。立二圖三甲。呂永興。

戶托賴祖德。後裔繁盛。散於四方。日東力於搜考。週羅南北吳楚。越蜀粵諸地方。一郎公既散之血脉。上會周漢唐宋元明清太公。一百四十世裔孫。重修譜誌。

十規條目

一要敬天敬地

二要莫欺祖宗

三要孝順父母

四要尊敬長上

五要兄弟怡怡

六要夫婦好合

七要和睦鄉里

八要親朋有信

九要正直忠良

十要輕財重義

十戒條目

一戒詈天詈地

二戒忤逆父母

三戒干倫犯義

四戒勾私滅祭

五戒竊盜狗偷

六戒窩匪賭博

七戒貪酒逞凶

八戒唆事鬪非

九戒遊手好閒

十戒貪財失義

族長 錫侯

應禎 恒麟

勅封遜以公本達先極殿修撰

永豐儒學吏員候邀補經歷

日東宗祥

重修